

Ár 2002, mánudaginn 22. júlí komu reglulegir dómendur áfrýjunardómstóls Gólf sambands Íslands, Kristján Einarsson, Sveinn Snorrason og Þorsteinn Svörfuður Stefánsson, saman til fundar í skrifstofu dómsins í Íþróttamiðstöðinni í Laugardal í Reykjavík.

Þar sem fundur þessi er hinn fyrsti formlegi fundur dómenda eftir skipan dómsins ber samkvæmt ákvæði 3. mgr. 12. gr. laga um dómstóla Gólf sambands Íslands að kjósa forseta dómsins. Sveinn Snorrason varð fyrir vali og tekur við stjórn fundar.

Á fundinum var gerð svofelld bókun:

“Með samþykkt laga um dómstóla Gólf sambands Íslands á golfþingi 2001 var gerð grundvallarbreyting á dómstólaskipan Gólf sambandsins með stofnun áfrýjunardómstólsins. Allir ofanskráðir aðalmenn áfrýjunardómstólsins höfðu áður átt sæti í Gólf dómstóli GSÍ.

Fyrir fundinum lá erindi Jóhanns Reynissonar til áfrýjunardómsins dagsett 1. þ.m. þar sem kærður er úrskurður Dómstóls GSÍ í málinu nr.1/2002: Suphit Donkanha gegn Júlíusi Rafnssyni f.h. stjórnar Gólf sambands Íslands sem upp var kveðinn hinn 24 júní s.l. til áfrýjunardómstólsins, en endurrit hins kærða úrskurðar fylgdi erindinu, sem póstlagt hafði verið hinn 15. þ.m. og borist dómendum degi síðar.

Svo sem fram er tekið í niðurlagi málavaxtalýsingar í forsendum hins kærða úrskurðar *“er svo að sjá, sem málið hafa þegar verið rekið fyrir flestum ef ekki öllum mögulegum dómstigum og dómstólum íþróttahreyfingarinnar.”* Þannig kvað Gólf dómstóll GSÍ hinn 20. september 2000 upp dóm í málinu, þar sem ákveðin afstaða er tekin til ýmissa atriða, sem hinn kærði úrskurður og kæra hans beinlínis taka til, en forsendum og niðurstöðu dóms Gólf dómstólsins hefur ekki verið hnekkt.

Þar sem mál hafa hins vegar skipast svo, að allir dómendurnir, sem kváðu upp framangreindan dóm hinn 20. september 2000, hafa nú verið skipaðir reglulegir dómáttarar áfrýjunardómstólsins, sem úrskurðurinn frá 24. júní s.l. hefur verið skotið til, þá leiðir af eðli máls að ekki er við hæfi að sömu dómendur fjalli á tveimur dómstigum um efnislega sama mál, sem höfðað er af sama aðila og af sama tilefni. Lögjöfnun við ákvæði c-liðar 1. mgr. 2. gr. laga um dómstóla Gólf sambandsins leiddi til sömu niðurstöðu.

Samkvæmt framanrituðu víkja hinir reglulegu dómendur áfrýjunardómstóls Gólf sambandsins, án kröfu, sæti við meðferð kærumálsins nr. 1/2002: Suphit Donkanha gegn Júlíusi Rafnssyni f.h. stjórnar Gólf sambands Íslands, en skipaðir varadómáttarar taka við meðferð kærumálsins.”